



Հանրապետական մանկավարժահոգեբանական կենտրոն

«Հանրակրթական դպրոցների ուսուցիչների և ուսուցչի օգնականների դասավանդման հմտությունների զարգացման ապահովում» ծրագիր

Դպրոց՝ Գեղարքունիքի մարզի Ն. Գետաշենի Ա. Եղիազարյանի  
անվան թիվ 2 միջնակարգ դպրոց

Թեմա՝ Մոտիվացիան որպես ուսուցման կարևորագույն մաս

Վերապատրաստող, մենթոր՝

Մարիամ Սեդրակյան

Ուսուցիչ՝

Իվետա Մարկոսյան

Երևան 2023

ԲՈՎԱՆԴԱԿՈՒԹՅՈՒՆ

Ներածություն-----3

Գլուխ 1. Ինչ է մոտիվացիան: Մոտիվացիայի կարևորությունը -----4

Գլուխ 2. Մոտիվացիայի կարևորությունը մանկավարժության մեջ-----10

Գլուխ 3. Հետազոտական մաս, արդյունքների վերլուծություն-----13

Եզրակացություն-----18

Գրականության ցանկ-----20

## ՆԵՐԱԾՈՒԹՅՈՒՆ

Կրթական և ճանաչողական մոտիվացիան դպրոցականների համար սովորելու ակտիվ մոտեցումն է, լավ սովորելու ցանկության իրականացումը: Որպեսզի երեխան ունենա ուժեղ ներքին մոտիվացիա՝ ես ուզում եմ լավ սովորել, անհրաժեշտ է, որ յուրաքանչյուրն ինքն իրեն ասի. «Ես կարող եմ դա անել: Ես կհասցնեմ այն»>:

Մոտիվացիան ցանկացած անհատի գործունեության կարևոր բաղադրիչն է: Լատիներենից այս եզրույթը, որը հանդիպում է բազմաթիվ գիտական ոլորտներում, թարգմանվում է այսպես՝ ես շարժվում եմ: Այսինքն՝ մոտիվացիա նշանակում է դրդապատճառ, շարժառիթ (գործողություն):

Աշակերտների մոտիվացիան հաջող ուսուցման հիմնական պայմանն է:

Մոտիվացիան մարդու ներքին հոգեբանական բնութագիրն է, որն արտահայտվում է արտաքին դրսևորումներով, անձի նկատմամբ շրջապատող աշխարհի, գործունեության տարբեր տեսակների առնչությամբ:

Ուսուցման հաջողության բանալին կայուն կրթական մոտիվացիայի և ճանաչողական գործունեության առկայությունն է: Ուսուցիչը պետք է ունենա կյանք հաստատող սկիզբ, ուրախություն և հաջողություն:

Սովորողների մոտիվացիայի բարձրացման գործում շատ մեծ է ուսուցչի դերը: Նա պետք է կարողանա երեխային տալ այնպիսի առաջադրանքներ, որոնք կլինեն հասկանալի, հետաքրքիր և ընդունելի սովորողի կողմից, ճիշտ ուղղորդել նրան: Ըստ հոգեբանների գիտելիքների յուրացման համար ուսուցիչը պետք է կարողանա բարձրացնել սովորողի ներքին մոտիվացիան, քանի որ այն որոշիչ է կրթական գործընթացում: Այսպիսով, ուսուցումը պետք է կազմակերպվի երեխաների հետաքրքրության սահմաններում, դրանով ավելացնելով նրանց ոգևորությունը և հետաքրքրությունը դեպի դասը:

Ուսուցիչը պետք է անընդհատ դրական հուզական մթնոլորտ պահպանի դասարանում: Դրա համար անհրաժեշտ է ամրապնդել աշակերտի վստահությունը իրենց ունակությունների նկատմամբ, նվազեցնել սթրեսի բացասական ազդեցությունը:

**Հետազոտության նպատակն է՝** կենսաբանության դասապրոցեսի ժամանակ բարձրացնել ուսումնական գործընթացի մոտիվացիան, որը կրերի ուսուցման որակի բարելավմանը, կառաջացնի սեր և հետաքրքրություն կենսաբանության նկատմամբ:

**Հետազոտության նպատակին հասնելու համար առաջադրել եմ հետևյալ խնդիրները.**

**Ուսումնասիրել մոտիվացիան որպես ուսումնական գործընթացի կարևորագույն մաս:**  
**Ուսումնական պրոցեսի ժամանակ օգտագործել և կիրառել մոտիվացիոն խաղեր, մեթոդներ և ֆիլմեր:**

**Մշակել կենսաբանության մեջ մոտիվացիան բարելավելու ռազմավարություն:**

## **Գլուխ 1. Ինչ է մոտիվացիան: Մոտիվացիայի կարևորությունը**

Կան մոտիվացման բազմաթիվ տեսություններ: Այս մոտեցումները կենտրոնանում են մարդկային պահանջների վրա, ինչը ձևավորում է նրանց վարքագիծը, և թե ինչպես կարող են կառավարիչները ստեղծել պայմաններ, որպեսզի բավարարեն աշխատողներին:

Մոտիվացիան առաջացել է լատիներեն *movere* բառից: Տերմինն առաջին անգամ օգտագործել է Ա. Շոպենհաուերը իր «Բավարար պատճառի չորս սկզբունքներ» հոդվածում: Խոսել անձի գործունեության մոտիվացիայի մասին՝ նշանակում է պարզել, թե որոնք են գործունեության դրդապատճառները, նպատակներն ու դրանց տեսակները:

Մարդկային վարքի մոտիվացիայի խնդիրը գիտնականներին միշտ է հետաքրքրել: Բազմաթիվ հին փիլիսոփաների աշխատություններում կարող ենք հանդիպել մոտիվացիայի վերաբերյալ տեսությունների: Հոգեբանության մեջ մոտիվը մարդու արարքների դրդապատճառն է: Մարդու գործունեության սկզբնական դրդապատճառը նրա նյութական և հոգևոր կարիքները բավարարելու ցանկությունն է:

Մոտիվացիան գործունեության առաջացման գործընթաց է, որն իրագործվում է զանազան դրդապատճառների (մոտիվների) առկայության շնորհիվ: Մարդը ձգտում է ձեռք բերել որևէ առարկա, դիրք, վիճակ և այլն կարճ ասած նպատակ, որի համար կազմակերպում է որոշակի դրդապատճառների կողմից հարուցվող և անհրաժեշտ ժամանակահատվածում պահպանվող գործունեություն: Այստեղ մեր խնդիրն է ծանոթանալ գործունեություն առաջ բերող հոգեկան ուժերին: Բայց ամենից առաջ պետք է պարզել, թե ինչպիսին է դրդապատճառների և պահանջմունքի հարաբերությունը: Այս հարցի պատասխանն իմանալն անհրաժեշտ է, քանի որ նույնիսկ մասնագիտական գրականության մեջ հաճախ պահանջմունքն ու դրդապատճառը նույնացվում են :

### **Մոտիվացիայի գործընթացային տեսություն**

Մոտիվացիայի գործընթացային տեսության ուղղություններն են՝ ակնկալումների, արդարության և Պորտեր-Լոուերի մոդելը:

Ակնկալումների տեսություն. այս տեսությունը առանձնահատուկ տեղ է տալիս մոտիվացիայի 3 գործոններին.

Աշխատանքի ծախսումներ- արդյունք, համաձայն սրա մարդը կարող է ակնկալել, որ էթե գործադրի լրացուցիչ ջանքեր, ապա կհասնի իր ակնկալած արդյունքներին:

Արդյունքների հետ կապված ակնկալում-խրախուսում, սա նշանակում է, որ էթե անհատը հասնում է իր ակնկալած արդյունքներին ստանում է համապատասխան խրախուսում և պարգևատրումներ:

Ենթադրվող հարաբերական բավարարվածություն կամ անբավարարվածություն, եթե խրախուսումը ցածր է, այսինքն՝ ստացված պարզևատրման արժեքը մարդու համար մեծ չէ, ապա առավել ակտիվ աշխատելու մոտիվացիան կթուլանա:

Արդարության տեսության, համաձայն այս տեսության՝ մարդիկ սուբյեկտիվորեն են մոտենում վարձատրությանը, խրախուսմանը՝ իրենց գործադրած ջանքերին համապատասխան և համեմատում այն այլ աշխատողներին տրվածի հետ: Եթե համեմատության արդյունքում անհատը ճշտում, պարզում է իր համար, որ առկա է անարդար մոտեցում, այսինքն նկատում է, որ գործընկերը նույն աշխատանքի դիմաց ստացել է ավելի բարձր խրախուսման միավոր, ապա նրա մեջ առաջանում է հոգեբանական լարվածություն և նվազում է մոտիվացիան:

Պորտեր-Լոուերի մոդել: Լայման Պորտերի և Էդվարդ Լոուերի մշակած մոտիվացիայի մոդելը ներառում է ակնկալումներ և արդարության տեսությունների տարրեր: Այս մոդելի համաձայն, արդյունքը, որոնց հասել են աշխատակիցները, կախված են երեք գործոններից՝ ջանքերից, կարողություններից և աշխատանքի դերի գնահատականից: Չանքերի կիրառման աստիճանը որոշվում է խրախուսման, պարզևատրման արժեքով և վստահության աստիճանով: Մոդելում ներառվում է նաև պարզևատրման և արդյունքների փոխհարաբերությունը:

## 1.1 Մոտիվացիայի ձևերը


Մոտիվացիան կոչվում է դրական, դրական խթաններով պայմանավորված, իսկ բացասականի վրա հիմնվածը՝ բացասական: Կայուն է համարվում այն մոտիվացիան, որը հիմնված է մարդու պահանջմունքների վրա, քանի որ այն լրացուցիչ ամրապնդում չի պահանջում: Հետևաբար, անկայուն է այն մոտիվացիան, որը պահանջում է լրացուցիչ ամրապնդում: Ուսումնական մոտիվացիան ուղղորդում և աջակցում է ուսումնական գործունեության իրականացմանը: Այս մոտիվացիան իրենից ներկայացնում է բարդ համակարգ, որը ձևավորվում է շարժառիթների, նպատակների, անհաջողության արձագանքների, հաստատականության և սովորողների տեղորոշման համար: Մոտիվները ձևավորվում են սովորողի բնավորության առանձնահատկություններով: Սովորողի ուսումնական մոտիվացիան կարող է տարբեր լինել, կախված տարիքից և տրամադրությունից: Դրա համար էլ գոյություն ունի մոտիվացիայի երեք մակարդակ՝ բարձր, միջին և ցածր:

Մարդկային վարքագծի գրեթե բոլոր ասպեկտներում մոտիվացիան շատ մեծ դերակատարություն ունի: Ցանկացած որոշում կայացնելիս մենք առաջնորդվում ենք մոտիվացիոն ներքին մղումներով:

Հոգեբանները, խոսելով մոտիվացիայի մասին, նշում են, որ դա ներքին վիճակ է, ցանկություն, որն ակտիվացնում է վարքագիծը և ուղղորդում դեպի նպատակը: Այլ կերպ ասած՝ մոտիվացիան կարիքների և ցանկությունների ազդեցությամբ թելադրվող

վարքագիծն է: Մարդկային վարքագծի գրեթե բոլոր ասպեկտներում մոտիվացիան շատ մեծ դերակատարություն ունի: Ցանկացած որոշում կայացնելիս մենք առաջնորդվում ենք մոտիվացիոն ներքին մղումներով:

### Մոտիվացիայի ձևերը՝



### 1.2 Մարդու մոտիվացիայի և դրդապատճառների ուսումնասիրություն

Մարդու մոտիվացիայի գործընթացների ուսումնասիրությունը, ըստ էության, անհատականության ուսումնասիրությունն է նրա գործունեության մեջ: Մարդու գործունեության առանձնահատկությունը կայանում է նրանում, որ այն միշտ նպատակային է: Նպատակներ դնելու կարողությունը մարդու՝ որպես բանական էակի, հիմնարար հատկանիշներից է:

Արտահայտելով գիտակցության ակտիվ կողմը և հաճախ որոշելով մարդու գործողությունների մեթոդն ու բնույթը, նպատակը, որը մարդը դնում է իր համար, ինտեգրում է վարքի կարգավորիչ գործընթացների բարդ կառուցվածքը մեկ ամբողջության մեջ, որոշում է, որ մարդը կատարում է այդ արարքը, ոչ թե մեկ այլ:

Հոգեբանները մշակել են մարդու մոտիվացիայի և դրդապատճառների ուսումնասիրության մի քանի մոտեցում՝ փորձ, դիտարկում, զրույց, հարցում, հարցաքննություն, գործունեության արտադրանքի վերլուծություն:

Այս բոլոր մեթոդները կարելի է բաժանել երեք խմբի՝

1. Սուբյեկտի կամ այն ձևով իրականացվող հարցաքննություն
2. Վարքագծի և դրա պատճառների գնահատումը դրսից(դիտարկման մեթոդ):
3. Փորձարարական մեթոդներ:

Հաջողության հասնելու մոտիվացված մարդիկ սովորաբար իրենց գործունեության մեջ որոշակի դրական նպատակներ են դնում, որի ձեռքբերումը միանշանակ կարելի է համարել հաջողություն:

Նրանք ակնհայտորեն ցանկություն են ցուցաբերում իրենց գործունեության մեջ անպայման հասնել միայն հաջողության, փնտրում են նման գործունեություն, ակտիվորեն ներգրավված են դրանում, ընտրում են միջոցներ և նախընտրում են նպատակին հասցնել գործողությունները: Նրանց բնորոշ է իրենց բոլոր ռեսուրսների լիարժեք մոբիլիզացումը և նպատակին հասնելու վրա կենտրոնացվածությունը:

Դեռահասների մոտիվացիայի վրա մեծ ազդեցություն են թողնում նաև արտաքին գործոնները, որոնցից են՝ սիրահարվածությունը, հասակակիցների կամ ուսուցիչների հետ կոնֆլիկտները:

Հաճախ հետաքրքրությունը սիրելի առարկայի նկատմամբ անհետանում է անհայտ պատճառով և դեռահասը չգիտի, թե ինչ է ուզում կյանքից և չունի կոնկրետ նպատակներ:

Ըստ հոգեբանների գիտելիքի յուրացման համար ուսուցիչները պետք է կարողանան բարձրացնեն դեռահասի ներքին մոտիվացիան, քանի որ այն որոշիչ է կրթական գործընթացում:

Ուսուցումը պետք է կազմակերպվի աշակերտի հետաքրքրության սահմաններում, որի հետևանքով սովորողի մոտ կավելանա հետաքրքրությունը դեպի դասը:


Գոյություն ունի մոտիվացիայի երեք մակարդակ՝ բարձր միջին և ցածր:

# մոտիվացիայի մակարդակները

<p>բարձր՝երբ սովորողը ցանկություն ունի դպրոց գնալ,սովորել նոր բան,սիրում է շփվել դասընկերների,ուսուցչի հետ,սիրում է իր կարգավիճակը</p>	<p>միջին՝ երբ սովորողին գրավում է ոչ թե ուսումնական գործընթացը,այլ ուսուցչի և դասընկերների հետ շփվելու ցանկությունը</p>	<p>ցածր՝ երբ սովորողը դպրոց գնալու ցանկություն չունի և նրան չի հետաքրքրում ուսումնական գործընթացը</p>
--	---	---

Հետազոտությունները ցույց են տվել, որ դպրոցում և դասարանում տիրող մթնոլորտը նպաստում է ուսման դրական մոտիվացիայի ձևավորմանը: Շատ կարևոր է ուսուցիչ-աշակերտ համագործակցության փոխհարաբերությունները: Ուսուցման ընթացքում ուսումնական նյութի մատուցման ձևը, խրախուսման կիրառումը, հետաքրքիր փորձերը նպաստում են ուսման դրական մոտիվացիայի ձևավորմանը:

Դպրոցում դրական կրթական ուսումնական մոտիվացիա ստեղծելու համար մեծ է ուսումնական հաստատության դերը, ուսուցչի արտահայտիչ խոսքը, դասարանում տիրող առողջ մթնոլորտ, ուսուցիչ-աշակերտ փոխհարաբերությունները: Սովորողի մոտ մոտիվացիայի ձևավորման մեջ մեծ է նաև ուսուցիչների և ծնողների դերը , որոնք պետք է հաշվի առնեն հետևյալ բաղադրիչները՝





Այսպիսով, անձի որոշակի գործունեությամբ պայմանավորված, որի գործունեության հիմքում ընկած են մի քանի շարժառիթներ, պահանջմունքներ, կարիքներ, ուղղորդում են անձի վարքը: Գոյություն ունեն մոտիվացիայի վերաբերյալ շատ ուրիշ այլ աշխատություններ, տեսություններ, հայեցակարգեր, որոնք անդրադարձել են անձի մոտիվացիոն ոլորտի առանձնահատկություններին ինչպես աշխատանքային, այնպես էլ ուսումնական գործունեության մեջ: Կախված գործունեության ոլորտից, բնույթից, անձի մոտիվացիան կարող է տարբեր լինել, քանի որ գործունեության տարբեր ոլորտներին համապատասխան գոյություն ունեն մոտիվացիայի տարբեր տեսակներ, որոնք ուղղորդում են անձին՝ կատարելու այս կամ այն ուղղվածության գործունեությունը:

## **Գլուխ 2. Մոտիվացիայի կարևորությունը մանկավարժության մեջ**

Դպրոցական մոտիվացիան դա ներքին գործընթաց է, որով սովորողները անկախ ցանկություն են ունենում սովորել, բարելավել իրենց գնահատականները, ընդլայնել իրենց գիտելիքները և, ընդհանուր առմամբ, կրթական համատեքստին առնչվող նպատակներ դնել: Մա ակադեմիական լավ արդյունքների կարևորագույն գործոններից մեկն է:

Ուսուցչի գործն ավելի արդյունավետ կլինի, եթե կարողանա արտաքին մոտիվացիա ունեցող աշակերտների մոտ արթնացնել ներքին մոտիվացիա: Դա, իհարկե, բարդ գործընթաց է, բայց կարելի է հասնել դրան:

Կան նաև ընդհանրապես մոտիվացիա չունեցող աշակերտներ, որոնց մոտ բացակայում է հետաքրքրությունը կենսաբանություն առարկայի հանդեպ կամ ունեն ինքնավստահության պակաս: Այս աշակերտների հետ ցանկալի է աշխատել խմբային մեթոդով, ներառել խմբում կամ շարքում, բացահայտել՝ ինչ թեմաներ են նրանց հետաքրքրում, թույլ տալ նրանց օգտագործել իրենց կարողությունները, պետք է նրանց քաջալերել և ոչ մի դեպքում չկիրառել պատժի մեթոդը, ընդհանրապես պետք է խուսափել պատժից, արդյունավետ չէ:

Կան նաև ապամոտիվացված աշակերտներ, որոնց մոտ արտաքին որոշ գործոններ (առողջական, ընտանեկան և այլ խնդիրներ) առաջացնում են հետաքրքրության և աշխատունակության անկում, այսպիսի երեխաներին պետք է արագ հանել ստեղծված իրավիճակից, բացատրել անհասկանալի թեմաները, աշխատել նորից խմբային տարբերակով:

Հինգ հիմնական մոտիվացիոն գործոնները՝

Ուսուցչի էնտուզիազմ և հստակ նպատակներ՝ կապված սովորողների հետ

Ուսուցչի կողմից քաջալերման զգացում աշակերտի մոտ

Աշակերտի մոտ զգացում, որ իսկապես ուսուցիչը հավատում է աշակերտի առաջադիմությանը և հաջողություններին

Աշակցող մթնոլորտի ստեղծում դասավանդողի և սովորողների միջև, համբերատարություն սովորողի նկատմամբ:

Ուսուցչի իրական ներգրավվածություն, դասարանային և խմբային լավ հարաբերություններ:

Դպրոցական մոտիվացիան բարդ հոգեբանական երեւոյթ է, և որպես այդպիսին հեշտ չէ մատնանշել այն կառուցող կամ ոչնչացնող մեկ գործոն: Ընդհակառակը, կան բազում պատճառներ, որոնք կարող են հանգեցնել նրան, որ սովորողը կրքոտ լինի իր արածի նկատմամբ, կամ, ընդհակառակը, նա ունի շատ ցածր մոտիվացիա:

Գործոններից մեկը, որն առավելապես ազդում է մոտիվացիայի առկայության վրա, այն զգացողությունն է, որ մենք վերահսկում ենք մեր սեփական նպատակները, դրանց վրա աշխատելու տեմպը և այն ուղղությունը, որով շարժվում ենք: Ցավոք, ավանդական կրթական համատեքստում վերահսկողության այս զգացումը գործնականում գոյություն չունի:

Դպրոցական մոտիվացիայի բացակայության հետևանքները կարող են իսկապես բացասական լինել դրանից տառապող սովորողների համար: Հետեւաբար, վերջին տասնամյակների ընթացքում մոտիվացիայի մասնագետները փորձել են սովորողների մոտ այս հոգեբանական գործոնը արհեստականորեն բարելավելու ուղիներ գտնել:

Ինչպես արդեն տեսանք, չկա որևէ մեկ տարր, որը բացատրում է, թե ինչու սովորողը չունի սովորելու քիչ թե շատ մոտիվացիա: Ուստի հնարավոր չէ գտնել մեկ լուծում, որը վերացնում է այս խնդիրը բոլոր սովորողների համար: Այնուամենայնիվ, գտնվել են որոշ գործիքներ, որոնք կարող են օգնել լուծել այն գոնե մասամբ:

Ուսուցչի համար դպրոցականների ուսուցման մոտիվացիան ուսումնասիրելու ընդհանուր ուղին կարող է լինել հետևյալը.

Դպրոցականների կրթական գործունեության վիճակի վերլուծությունը ներառում է՝ .ուսուցչի գնահատումը կրթական գործունեության օբյեկտիվ վիճակի և դրա բաղադրիչների վերաբերյալ, դպրոցականների առաջընթացի, նրանց վարքագծի, հաճախումների վերլուծությունը , ուսուցչի կողմից հաշվի առնելով սովորողների սուբյեկտիվ գնահատումը իրենց ակադեմիական աշխատանքի վերաբերյալ, սովորողների կարծիքը այն մասին, թե ինչն է իրենց համար ամենադժվարը կրթական աշխատանքում, այն մասին, թե որքան ժամանակ են նրանք ծախսում դասերին և այլն: Ուսուցման գործունեության վերաբերյալ այս բոլոր տվյալները կլինեն անհրաժեշտ ֆոն մոտիվացիայի վերլուծության համար:

Սովորելու իրական մոտիվացիայի վերլուծությունը կարող է ներառել, ուսուցչի կողմից դպրոցում սովորողների տարբեր տեսակի վերաբերմունքի օբյեկտիվ դրսևորումների նույնականացում, դասարանում և դրանցից դուրս երկարաժամկետ դիտարկման ընթացքում, հատուկ կազմակերպված փորձարարական իրավիճակների ընթացքում: Այստեղ հիմնական ուղին է համեմատել աշակերտների իրական գործողությունները առօրյա դպրոցական կյանքի ընթացքում և կրկնվող փորձարարական իրավիճակների պայմաններում: Կարելի է պահել ուսուցչի օրագրերը՝ ամրագրելով հետաքրքրությունների դրսևորումների հաճախականությունն ու ծանրությունը: Այս օրագրերը կարող են պահվել հետևյալ տեսքով.

Դրդապատճառների տեսակները՝ մոտիվներ, նպատակներ, հույզեր:

Մոտիվացիոն ոլորտի վիճակը շատ ճկուն է, յուրաքանչյուր երեխա ունի մոտիվացիայի զարգացման ռեզերվներ: Հետևաբար, յուրաքանչյուր աշակերտի մոտիվացիայի վիճակի գնահատումը պետք է ենթադրի դրա զարգացման հնարավորությունը: Մոտիվացիան ուսումնասիրելու նպատակը յուրաքանչյուր կոնկրետ աշակերտի մոտ մոտիվացիայի զարգացման հեռանկարների որոշումն է:

Այլ կերպ ասած, յուրաքանչյուր սովորողի ուսուցման մոտիվացիայի ուսումնասիրությունը պետք է իրականացվի ոչ թե առկա, նախկինում հաստատված մոտիվացիայի մակարդակին հարմարվելու համար (չնայած, իհարկե, անհրաժեշտ է հաշվի առնել անցյալի փորձի անհատական բնութագրերը), բայց որպեսզի ձգտենք, գոյություն ունեցող մակարդակների հիման վրա, ձևավորել նոր տիպեր և մոտիվացիայի ձևեր, որոնք անհրաժեշտ են ակտիվ անհատականություն դաստիարակելու համար: Մոտիվացիայի ուսումնասիրությունը ինքնանպատակ չէ, այլ միայն հիմք է հանդիսանում դրա հետագա ձևավորման համար:

### Գլուխ 3. Հետազոտական մաս

Արդյո՞ք մոտիվացիան նպաստում է ուսումնական գործընթացի բարձրացմանը: Ենթադրվում է, որ ուսումնական գործընթացի նպատակային կազմակերպումը հանգեցնում է սովորողի հետաքրքրության ավելացմանը և մոտիվացիայի բարձրացմանը: Դրա համար նյութի մատուցման ձևը պետք է լինի ճկուն և հետապնդի ուսուցման հիմնական խնդիրներից մեկը՝ սովորողների գիտելիքների յուրացումը դարձնել տևական, բովանդակալից, իսկ բուն ուսումնառությունը՝ ցանկալի և ուրախություն պատճառի:

Հետազոտության նպատակն է, որ աշակերտի մոտ մոտիվացիան կենսաբանություն առարկայի նկատմամբ աճի և ոչ թե նվազի: Սովորել չցանկացող աշակերտին մոտիվացնելով ներգրավել դասապրոցեսին:

Հետազոտության համար վերցնել 8-րդ դասարանի կենսաբանությունը, քանի որ այդ ուսումնական տարում են աշակերտները ուսումնասիրում կենսաբանություն <<Մարդ>> բաժինը, որը ընդգրկում է մարդու կազմաբանությունը, ֆիզիոլոգիան և հիգիենան:

Աշակերտի մոտիվացիան կենսաբանության նկատմամբ բարձրացնելու համար կարևոր է, որ սովորողը հասկանա, որ յուրաքանչյուր մարդ պետք է իմանա իր մարմնի կառուցվածքը և ինչպես այն պահպանի վնասակար գործոնների ազդեցությունից: Դա անհրաժեշտ է առողջ ապրելակերպի և կյանքի ստեղծության երկարացման համար:

Սովորողը պետք է գիտակցի, որ իմանալով մարդու կազմաբանությունը, ֆիզիոլոգիան և հիգիենան, կարող է տարբեր իրավիճակներում օգնել մարդկանց, որոնք օգնության կարիք ունեն:

Առաջին բուժօգնությունը կարող է լինել տարբեր իրավիճակներում՝ արյունահոսությունների, ջրահեղձության, շնչահեղձության, էլեկտրահարության, այրվածքների, ոսկրերի կոտրվածքների դեպքում:

Դասերի պրոցեսին դիտվող տեսահոլովակները, գործնական և խմբային աշխատանքները, համագործակցային մեթոդների կիրառումը լրացնում են հետաքրքրությունը ուսուցման նկատմամբ և բերում աշակերտների ներգրավվածությանը և մոտիվացիայի աճին:

## Դաս 1

### <<Առաջին օգնությունը կապանների ձգման, հողախախտման և կոտրվածքների դեպքում>> :

Դասի նպատակն է, որ աշակերտը իմանա ոսկրերի վնասվածքները և կարողանա ցուցաբերել բուժօգնություն տուժածին և գիտակցի նախնական բժշկական օգնության կարևորությունը:

Աշակերտները դիտում են տեսահոլովակը ոսկրերի վնասվածքների մասին, հետո բացատրել դասը: Դասարանը բաժանել խմբերի և յուրաքանչյուր խմբի տալ քարտ-առաջադրանքներ, անհրաժեշտ պարագաներ: Խմբերը պետք է պատասխանեն հարցերին և առաջին բժշկական օգնության մասին իրենց ձեռք բերած գիտելիքները գործնականում կիրառեն տիկնիկների վրա:

Քարտ-առաջադրանքների նմուշ օրինակներ.

Կողոսկրերի կոտրվածք՝ ին՞չ պետք է անել: Հիմնավորել:

Սրունքի ոսկրերի բաց կոտրվածք՝ ին՞չ պետք է անել: Հիմնավորել:

Ողնաշարի, գանգի կոտրվածք՝ ին՞չ պետք է անել: Հիմնավորել:

Հողախախտում՝ ին՞չ պետք է անել: Հիմնավորել:

Այնուհետև առաջադրել թեստեր, որտեղ խմբերը պետք է գրեն գործողությունների ճիշտ հաջորդականությունը:

Ին՞չ հաջորդականությամբ պետք է ցույց տալ բժշկական օգնություն հողախախտման ժամանակ:

Ա. Տուժածին տանել բժշկի

Բ. Անշարժացնել վերջույթը

Գ. Վնասված մասի վրա սառը թրջոց դնել

Դ. Վնասված հողը ամուր փաթաթել:

Գրել գործողությունների հերթականությունը արմունկների կոտրվածքների ժամանակ:

Ա. Դնել բեկակալ

Բ. Տուժածին տանել բժշկի

Գ. Վերջույթը փաթաթել փափուկ կտորով

Դ. Վերջույթը ամուր փաթաթել բեկակալով:

Դասապրոցեսի ավարտին աշակերտները մեծ ոգևորությամբ քննարկեցին իրենց ստացած գիտելիքները: Նրանց մոտ մեկ անգամ ևս ամրապնդվեց այն տեսակետը, թե որքան կարևոր է կենսաբանությունն առարկայի իմացությունը, որը աշակերտին հնարավորություն կտա օգնել մարդկանց, որոնք դրա կարիքն ունեն:

## ԴԱՍ 2

### Վիտամիններ

Դասի նպատակն է, աշակերտը իմանա, որ վիտամինները կենսաբանական ակտիվ նյութեր են, նրանց տեսակները, վիտամիններով հարուստ սննդամթերքները և տարբեր սննդանյութերի օգտագործումը որպես առողջության երաշխիք:

Դիտել տեսահոլովակը վիտամինների մասին, հետո բացատրել դասը և պատմել ռուս բժիշկ Ն.Ի.Լունինի կատարած աշխատանքը: 1880 թվականին Լունինը փորձ կատարեց երկու խումբ մկների վրա: Մի խմբին կերեկրեց բնական կաթով, մյուսին՝ արհեստական խառնուրդով, որի մեջ կային սպիտակուցներ, ճարպեր, ածխաջրեր, հանքային աղեր այն նույն հարաբերությամբ ինչը որ կար բնական կաթի մեջ: Բայց նրան շատ զարմացրեց փորձի արդյունքները, մկները, որոնք ստացել էին արհեստական խառնուրդ, սատկեցին, իսկ որոնք ստացել էին բնական կաթ, շատ լավ էին իրենց զգում:

Հարց դասարանին. Ինչպես կարելի է բացատրել Լունինի կատարած փորձի արդյունքները: Ինչու սատկեցին մկները: Լսել աշակերտների պատասխանները: Գոյություն ունեն ինչ-որ նյութեր, որոնք, չկային արհեստական կաթի մեջ: Այդ պատճառով էլ մկները սատկեսին:

Հետո դասարանը բաժանել խմբերի: Առաջին և երկրորդ խմբերը կարդում և լրացնում են համապատասխան աղյուսակները, իսկ երրորդ խումբը պատասխանում է հարցերին:

Առաջին խումբ՝

Վիտամինների անվանումը	Դերը նյութափոխանակության գործընթացում	Վիտամիններով հարուստ սննդամթերք

Երկրորդ խումբ՝

Վիտամինների անվանումը	Անբավարարության հետևանքով առաջացած հիվանդությունը և ախտանշանները

Երրորդ խումբ՝

Հարցեր՝

1. Կարո՞ղ է արդյոք մի վիտամինի պակասը լրացվել մեկ այլ վիտամինով:
2. Ինչու՞ վիտամինները չի կարելի համարել սննդանյութ:
3. Ինչպե՞ս պահպանել և մշակել սննդամթերքը, որ վիտամինները չքայքայվեն:

Աշակերտները դասապրոցեսի ավարտին միմյանց հետ քննարկեցին վիտամինների կարևորության մասին:Նրանց համար շատ հետաքրքիր էր ստացված տեղեկությունները և խոստացան վերանայել սեփական սննդակազմը:Նրանց մոտ մեկ անգամ ևս ամրապնդվեց կենսաբանության իմացության կարևորությունը:

Առողջության պահպանումը պահանջում է գիտելիքներ: Մարդու անատոմիայի, ֆիզիոլոգիայի և հիգիենայի իմացությունը կօգնի առողջապահական, աճող սերնդի

Ֆիզիկական դաստիարակման, սպորտի և ֆիզիկական աշխատանքի ճիշտ կազմակերպմանը, հնարավորություն կտա տիրապետել օրգանիզմին, կոփել, մարզել և ապրել առողջ կենսակերպով:

Եվ ինչպես Շոպենհաուերն է ասում. Առողջությունը դեռ ամեն ինչ չէ,սակայն ամեն ինչը ոչինչ է ,եթե չկա առողջություն:



## Եզրակացություն

Յուրաքանչյուրս մեր կյանքում ունենալով նպատակներ շարժվում ենք առաջ: Ոմանք հանձնվում են, իսկ ոմանք հասնում իրենց նպատակներին: Դեպի նպատակները սլացող անձանց միշտ էլ հարկավոր է մոտիվացիա՝ ավելի համառ և նպատակասլաց շարժվելու համար:

Սովորողները բնութագրվում են ճանաչողական գործունեության և մոտիվացիայի միջին մակարդակով:

Մոտիվացիայի կայուն մակարդակի առաջացումը նպաստում է սովորողին հասնել հաջողության և հաղթահարել դժվարությունները և խոչընդոտները: Այդ գործում մեծ է ուսուցչի դերը: Ուսուցիչը պետք է ամրապնդի սովորողի վստահությունը իր ունակությունների նկատմամբ:

Ուսումնական գործընթացի նպատակային կազմակերպումը հանգեցնում է սովորողների մոտ ուսումնական մոտիվացիայի բարձրացմանը: Կարևոր է համագործակցային մեթոդների կիրառումը, քանի որ այն բերում է սովորողների ներգրավվածության, մոտիվացիայի աճի և ուսուցման արդյունավետության բարձրացմանը:

Մոտիվացիայի բարձրացման համար դպրոցում պետք է ստեղծվեն պայմաններ, որպեսզի սովորողը սիրով հաճախի դպրոց և նրա մոտ հետաքրքրություն առաջանա ուսման նկատմամբ: Դրա հիմնական կատարողը ուսուցիչն է, որը պետք է կիրառի տարբեր մեթոդներ, որոնց շնորհիվ սովորողը դառնա դասապրոցեսի անմիջական մասնակիցը:

Ուսումնական գործընթացի նպատակային կազմակերպումը հանգեցնում է ուսումնական մոտիվացիայի բարձրացմանը:

Ներքին մոտիվացիան բարձրացնելու համար աշակերտը պետք է սիրով կատարի իրեն հանձնարարված աշխատանքը:

Մոտիվացիան բարձրացնելու համար շատ կարևոր է.

1. Խրախուսել աշակերտներին և ապահովել բոլորի ներգրավվածությունը դասին:
2. Կիրառել խմբային աշխատանք և գնահատել խմբի անդամների միջև փոխհարաբերությունները:
3. Տալ աշակերտներին ինքնավարություն, ինքնուրույն որոշում կայացնելու հնարավորություն:
4. Փոխել դասավանդման մեթոդները, կիրառել նոր տեղեկատվական տեխնոլոգիաներ:
5. Աշակերտների գիտելիքները հարստացնելու համար միշտ ստեղծել միջառարկայական կապեր:
6. Դիդակտիկ նյութերի առկայություն, որը ավելի է խթանում հետաքրքրությունը առարկայի նկատմամբ:

## Գրականություն

1. Боронова Г. Х., Прусова Н. В. Психология труда. Конспект лекций. М.: 2008
2. Григорович Л.А., Марцинковская Т. Д. Педагогика и психология: Учеб. пособие. — М.: Гардарики, 2003
3. Леонтьев А.Н. Потребности, мотивы и эмоции. М.: Изд-во Моск.Ун-та, 1971
4. <http://194school.org/2021/11/how-to-motivate-learners/>
5. Պավլենկո, Պ. Դ. Սոցիոլոգիա
6. Ռայզորդսկի, Դ. Յա. Գործնական հոգեախտորոշում:—Սամառա: Երիտասարդություն 2000թթ
7. Ա.Նալչաջյան. Ընդհանուր հոգեբանության հիմունքներ, Երևան, 1991
8. Зоткин Н. В. Серебрякова М. Е. Общая психология. Психология мотивации и эмоций, Россия, 2007

Հավելված 1՝

Դասի պլան

Ամսաթիվ՝

Ուսուցչի ազգանուն, անուն- Առարկա- Մարկոսյան Իվետա-Կենսաբանություն

Դասի թեման- Առաջին օգնությունը կապանների ձգման, հոդախախտումների և ոսկրերի կոտրվածքների դեպքում

Դասի Տեսլա կանը	<b>Դասի նպատակը</b>	<i>Կարևոր դրույթները</i> Ի՞նչ գիտելիքներ և հմտություններ են մտնում դասի նպատակի մեջ:	<i>Անհրաժեշտ նյութերը</i> Ի՞նչ է անհրաժեշտ դասի համար-դիդակտիկ պարագան
-----------------------	---------------------	---	---

	<p>Ձևավորել գիտելիքներ ոսկրերի վնասվածքների տեսակների, Կապանների ձգման Հոդախախտման մասին Վերջնարդյունքները՝ Մովորողը կարողանա՝</p> <p>Բնութագրել և տարբերակել վերջույթների, կողոսկրերի, ողնաշարի, գանգի վնասվածքները</p> <p>Ցուցաբերել նախաբժշկական առաջին օգնությունը կոտրվածքների, կապանների ձգման և հոդախախտման ժամանակ</p> <p>Գնահատել առաջին նախնական բժշկական օգնություն ցուցաբերելու արագ և ճիշտ կողմնորոշվելու կարևորությունը</p>	<p>Հոդակապանների պրկում, հոդախախտում, բաց կոտրվածք, բեկակալ, կողոսկրերի և ողնաշարի կոտրվածքներ, գանգի վնասվածք</p>	<p>Մարդու կմախքի մոդել, համապատասխան ցուցապատառներ, անի րաժեշտ նյութեր ոսկրային վնասվածքների ժամանակ՝ ոսկրերի ամրացման տախտակներ, վիրակապելու նյութեր, տիկնիկներ, տեսահոլովակ</p>
<p>Դասի ընթացքը, մեթոդները</p>	<p><b>Գնահատում</b></p> <p>Նկարագրեք ինչպես պետք է չափեք մասնակիցների առաջընթացը կամ դասի նպատակի իրականացումը: Կցեք ամենօրյա գնահատումը, որը պետք է լինի համաձայնեցված, հավակնոտ, չափելի և իրատեսական:.</p>		
	<p>Հարց ու պատասխան, գործնական աշխատանք</p>		
	<p><b>Դասի սկիզբ -5ր</b></p> <p>Ի՞նչ են սովորելու աշակերտները: Ինչու՞ է դա կարևոր: Ինչպե՞ս է դա կապվում նրանց նախկին գիտելիքների հետ: Ինչպե՞ս են սովորելու: Կատար՛ր հիմա... Խթանիչ վարժություն, եթե կա:</p>		
	<p>Ուսուցչի գործողությունները</p>	<p>Աշակերտների գործողությունները</p>	<p>Նյութերը/ Ուսուցչի դերը</p>

<p>Կազմակերպչական աշխատանքների իրականացում, անդրադարձ նախորդ դասի հանձնարարականներին կատարելով ուղղորդված հարցում</p>	<p>Մասնակցում են քննարկմանը, կմախքի վրա ցույց են տալիս ոսկորները, պատասխանում են առաջադրված հարցերին և նախապատրաստվում նոր նյութի յուրացմանը :</p>	<p>Կատարում է հարցադրումներ, հետևում է դասի ընթացքին, ուղղորդող հարցեր է տալիս ոսկրերի վնասվածքների վերաբերյալ:</p>
<p><b>Նոր նյութի ներկայացում -10ր</b></p> <p>Ի՞նչ են սովորում աշակերտները : Ինչպե՞ս են սովորում այդ նյութը: Արդյո՞ք այս ինֆորմացիան բխում է կարևոր դրույթներից:</p>		
<p>Ուսուցչի գործողությունները</p>	<p>Աշակերտների գործողությունները</p>	<p>Նյութերը/ Ուսուցչի դերը</p>
<p>Դիտում են տեսահոլովակը, Ներկայացնում է նոր դասի բովանդակությունը օգտագործելով հիմնական հասկացությունները</p>	<p>Պատասխանում են հարցերին, մասնակցում են քննարկումներին, տալիս են հետադարձ կապ</p>	<p>Կատարում է հարցադրումներ ոսկրերի կոտրվածքների, կապանների ձգման, հողախախտման վերաբերյալ, օգտագործելով ցուցապաստառի նկարները:</p>
<p><b>Ուղղորդված աշխատանք -20ր</b></p> <p>Արդյո՞ք բազմակի հնարավորություն է տրվում աշակերտներին աշխատելու, օգտագործելու ներկայացված նոր նյութի գիտելիք/հմտությունը: Արդյո՞ք վարժությունները դասավորված են հեշտից դժվար: Արդյո՞ք այդ աշխատանքը վերահսկվում է, եւ աշակերտներին տրվում աջակցություն կամ ուղղորդում կարելու դրույթները յուրացնելու համար : Ինչպես էք կազմակերպելու ընկալման ստուգումները: Ինչ եղանակով էք անդրադառնալու սխալներին: Արդյո՞ք ներկայացված նոր նյութը նախապատրաստել է աշակերտներին ինքնուրույն աշխատելու: Արդյո՞ք կա դասը լսելու, մասնակցելու եւ համագործակցելու հստակ ձեւակերպված սպասելիքներ:</p>		

<p>Ուսուցչի գործողությունները</p>	<p>Աշակերտների գործողությունները</p>	<p>Նյութերը/ Ուսուցչի դերը</p>
<p>Դասարանը բաժանում է խմբերի Ներկայացնում է խմբային աշխատանքի կանոնները, մեկնաբանում է առաջադրանքները Տալիս է գործնական աշխատանք և համապատասխան հրահանգներ Հետևում և ուղղորդում է աշակերտներին այդ ընթացքում</p>	<p>Բաժանվում են խմբերի և կատարում ուսուցչի սոված առաջադրանքները Յուրաքանչյուր խմբի տրվում է քարտ-առաջադրանք, լրացնում են բաց թողնված բառերը</p>	<p>Ուղղորդում է, ստուգում է, տալիս է հրահանգներ, մեկնաբանում է, ցուցադրում կմախքի վրա</p>
<p><b>Ինքնուրույն աշխատանք -5ր</b></p>		
<p>Ինչպե՞ս է ուսուցիչը հնարավորություն տալիս աշակերտներին ինքնուրույն աշխատելու, կիրառելու ստացած գիտելիքները : Արդյո՞ք ինքնուրույն աշխատանքում ընդգրկված է նպատակին տանող բոլոր գիտելիք/ հմտությունները: Ինչպե՞ս են կազմակերպվել ու շտկումները:</p>		
<p>Ուսուցչի գործողությունները</p>	<p>Աշակերտների գործողությունները</p>	<p>Նյութերը/ Ուսուցչի դերը</p>
<p>Տալիս է հրահանգներ և մեկնաբանում առաջադրանքը</p>	<p>Ձեռք բերած գիտելիքները գործնականում կիրառում են տիկնիկների վրա</p>	<p>Վերահսկում է աշխատանքը</p>
<p><b>Դասի ավարտ -5ր</b></p>		

	<p>Ինչպես են աշակերտները ամփոփում եւ ներկայացնում իրենց յուրացրած նյութի կարեւորությունը: Ինչպե՞ս է երեւում, որ աշակերտները յուրացրել են հիմնական դրույթները եւ հասել դասի նպատակին: Ինչո՞ւ/ինչպես են աշակերտները ընդգրկված լինելու:</p>	
	<p>Ի՞նչ մենք այսօր սովորեցինք: Կատարում է հարցադրումներ օգտագործելով հիմնական հասկացությունները :</p> <p>Աշակերտները պատասխանում են հարցերին:</p>	
<p><i>Տնային աշխատանք, եթե նախատեսվում է:</i></p> <p>Տանը պատրաստել բեկակալ, վարժվել այն կիրառելու գործում, որպեսզի անհրաժեշտության դեպքում կարողանա ճիշտ և արագ կողմնորոշվել:</p>		
<p>Վերլուծություն/անդրադարձ(լրացվում է դասից հետո):</p>		

Հավելված 2՝

Դասի պլան

Ամսաթիվ՝

Ուսուցչի ազգանուն, անուն-Մարկոսյան Իվետա Առարկա- Կենսաբանություն

Դասի թեման- Վիտամիններ

	<b>Դասի նպատակը</b>		
Դասի տեսլականը		<i>Կարևոր դրույթները</i> Ի՞նչ գիտելիքներ և հմտություններ են մտնում դասի նպատակի մեջ:	<i>Անհրաժեշտ նյութերը</i> Ի՞նչ է անհրաժեշտ դասի համար- դիդակտիկ պարագաներ:



	<p>Ձևավորել գիտելիքներ .վիտամինները որպես կենսաբանորեն ակտիվ նյութերի,</p> <p>վիտամինների տեսակների մասին</p> <p>.սննդանյութեր ,որոնք հարուստ են վիտամիններով</p> <p><b>Վերջնարդյունքները</b></p> <p>Մովորողը կկարողանա</p> <p>Պարզաբանել գերվիտամինոզ և թերվիտամինոզ հասկացությունները,</p> <p>Նկարագրել վիտամինների դերը,վիտամինների չափավոր մուտքը օրգանիզմ որպես բնականոն նյութափոխականության գրավական</p> <p>Հասկանա թարմ և վիտամիններով հարուստ սննդամթերքի օգտագործման անհրաժեշտությունը</p>	<p>Ավիտամինոզ,թերվիտամինոզ,գերվիտամինոզ,հավկուրություն,բերի-բերի,ռախիտ,ցինգա,սննդակարգ,օրվա սննդաբաժին</p>	<p>Տեսաֆիլմ,սննդամթերք պատկերող պաստառներ,թեստ,աղյուսակներ</p>
	<p><b>Գնահատում</b></p> <p>Նկարագրեք ինչպես պետք է չափեք մասնակիցների առաջընթացը կամ դասին պատակի իրականացումը: Կցեք ամենօրյա գնահատումը, որը պետք է լինի համաձայնեցված, հավակնոտ, չափելի և իրատեսական:.</p> <p>Հարցադրումներ,գործնական աշխատանք,ինքնուրույն աշխատանք</p>		

<p><b>Դասի սկիզբ -5ր.</b></p> <p>Ի՞նչ են սովորելու աշակերտները: Ինչու՞ է դա կարևոր: Ինչպե՞ս է դա կապվում նրանց նախկին գիտելիքների հետ: Ինչպե՞ս են սովորելու: Կատար՛ր հիմա... Խթանիչ վարժություն, եթե կա:</p>		
Ուսուցչի գործողությունները	Աշակերտների գործողությունները	Նյութերը/ Ուսուցչի դերը
Կազմակերպչական աշխատանքների իրականացում, մտազրոհով վերհիշել նախորդ դասը, կատարել ուղղորդված աշխատանք	Մասնակցում են քննարկմանը, պատասխանում են առաջադրված հարցերին, գրատախտակի ն լրացնում են բաց թողնված բառերը	Հետևում է դասի ընթացքին, կատարում է հարցադրումներ, տալիս է ուղղորդող հարցեր վիտամինների վերաբերյալ
<p><b>Նոր նյութի ներկայացում -10ր.</b></p> <p>Ի՞նչ են սովորում աշակերտները : Ինչպե՞ս են սովորում այդ նյութը: Արդյո՞ք այս ինֆորմացիան բխում է կարևոր դրույթներից:</p>		
Ուսուցչի գործողությունները	Աշակերտների գործողությունները	Նյութերը/ Ուսուցչի դերը

	<p>Դիտում են տեսահոլովակը</p> <p>Ներկայացնում է նոր դասը պատմելով ռուս գիտնական Ն.Բ.Լունինի փորձը երկու խումբ մկների վրա</p> <p>Նոր դասի բովանդակությունը պատմելիս օգտագործում է հիմնական հասկացությունները</p>	<p>Պատասխանում են հարցերին, մասնակցում են քննարկումներին, տալիս են հետադարձ կապ</p>	<p>Կատարում է հարցադրումներ. ինչ պե՞ս կարելի է բացատրել Լունինի կատարած փորձի արդյունքները,</p> <p>Ի՞նչ է</p> <p>ավիտամինոզ, թերվիտամինոզ, գերվիտամինոզ, ցուցապաստառի վրա ցույց տալ վիտամիններով հարուստ սննդամթերքներ</p>
<p><b>Ուղղորդված աշխատանք -20ր.</b></p> <p>Արդյո՞ք բազմակի հնարավորություն է տրվում աշակերտներին աշխատելու, օգտագործելու ներկայացված նոր նյութի գիտելիք/հմտությունը: Արդյո՞ք վարժությունները դասավորված են հեշտից դժվար: Արդյո՞ք այդ աշխատանքը վերահսկվում է, եւ աշակերտներին տրվում աջակցություն կամ ուղղորդում կարելու դրույթները յուրացնելու համար : Ինչպես եք կազմակերպելու ընկալման ստուգումները: Ինչ եղանակով եք անդրադառնալու սխալներին: Արդյո՞ք ներկայացված նոր նյութը նախապատրաստել է աշակերտներին ինքնուրույն աշխատելու : Արդյո՞ք կա դասը լսելու, մասնակցելու եւ համագործակցելու հստակ ձեւակերպված սպասելիքներ:</p>			
	<p>Ուսուցչի գործողությունները</p>	<p>Աշակերտների գործողությունները</p>	<p>Նյութերը/ Ուսուցչի դերը</p>

<p>Դասարանը բաժանում է երեք խմբի</p> <p>Բացատրում է խմբային աշխատանքի կանոնները</p> <p>Առաջին և երկրորդ խումբը կարդում և լրացնում է տրված աղյուսակները, իսկ երրորդ խումբը պատասխանում է տրված հարցերին</p> <p>Այդ ընթացքում ուսուցչուհին հետևում և ուղղորդում է աշակերտներին</p>	<p>Բաժանվում են խմբերի կատարում ուսուցչի տրված առաջադրանքը</p> <p>Լրացնում են աղյուսակները, պատասխանում են տրված հարցերին</p>	<p>Ուղղորդում է, ստուգում է, և տալիս է համապատասխան հրահանգներ</p>
<p><b>Ինքնուրույն աշխատանք -5ր.</b></p> <p>Ինչպե՞ս է ուսուցիչը հնարավորություն տալիս աշակերտներին ինքնուրույն աշխատելու, կիրառելու ստացած գիտելիքները : Արդյո՞ք ինքնուրույն աշխատանքում ընդգրկված է նպատակին տանող բոլոր գիտելիք/ հմտությունները: Ինչպես են կազմակերպվելու շտկումները:</p>		
<p>Ուսուցչի գործողությունները</p>	<p>Աշակերտների գործողությունները</p>	<p>Նյութերը/ Ուսուցչի դերը</p>
<p>Տալիս է թեստային առաջադրանք.</p> <p>Ընտրել ճիշտ պատասխանը</p>	<p>Լրացնում են առաջադրված թեստերը</p>	<p>Վերահսկում է աշխատանքը</p>
<p><b>Դասի ավարտ -5ր.</b></p>		

	<p>Ինչպես են աշակերտները ամփոփում եւ ներկայացնում իրենց յուրացրած նյութի կարեւորությունը: Ինչպե՞ս է երեւում, որ աշակերտները յուրացրել են հիմնական դրույթները եւ հասել դասի նպատակին: Ինչո՞ւ/ինչպես են աշակերտները ընդգրկված լինելու:</p>	
	<p>Այսօր ի՞նչ սովորեցինք: Տալիս է հարցեր կիրառելով հիմնական հասկացությունները</p> <p>Աշակերտները պատասխանում են հարցերին:</p>	
<p><i>Տնային աշխատանք:</i></p> <p>Օգտվելով տարբեր աղբյուրներից կազմել և ներկայացնել վիտամինները բնութագրող ցուցապաստառ՝ ներկայացված պլանի համաձայն.</p> <ol style="list-style-type: none"> <li>1. Հայտնաբերման պատմությունը:</li> <li>2. Գերվիտամինոզ և թերվիտամինոզ</li> <li>3. Սննդամթերքում վիտամինների պահպանման կանոնները:</li> </ol> <p>Պատասխանները կփակցվեն դասարանում ամբողջ տարվա ընթացքում:</p>		
<p>Վերլուծություն/անդրադարձ(լրացվում է դասից հետո):</p>		

